



NOGOMETNI SAVEZ FEDERACIJE BOSNE I HERCEGOVINE

PROPOZICIJE
natjecanja Omladinske lige BiH
grupa „Centar“ i „Jug“ za kadete i juniore
za natjecateljsku sezonu 2024/2025

srpanj/juli 2024.

Broj: 1244/24
Sarajevo: 19.07.2024.

Komitet za hitnost Nogometnog saveza Federacije BiH na osnovu člana 37. Statuta NS Federacije BiH, na sjednici održanoj 19.07.2024. godine u Sarajevu, donio je s l j e d e ć u:

PROPOZICIJE
natjecanja Omladinske lige BiH grupa „Centar“ i „Jug“ za kadete i juniore
za natjecateljsku sezonu 2024/2025

I - OPĆE ODREDBE

Član 1.

- 1.01. Ovim Propozicijama utvrđuje se način organiziranja i provođenja natjecanja Omladinskoj ligi Bosne i Hercegovine u natjecateljskoj 2024/2025 godini.

Član 2.

- 2.01. Omladinsko prvenstvo kadeta i juniora Bosne i Hercegovine za natjecateljsku 2024/2025 godinu u drugom stepenu natjecanja BiH odvijat će se u okviru Omladinske lige Bosne i Hercegovine podijeljene u četiri grupe: „Sjever“, „Centar“, „Zapad“ i „Jug“.

II - UČESNICI NATJECANJA

Član 3.

- 3.01. Natjecanje se organizira u formi lige kadeta i juniora, podijeljene u četiri grupe, po kriteriju geografske povezanosti i ekonomske opravdanosti.
- 3.02. U natjecanju obavezno učestvuju juniorske i kadetske ekipe klubova Prve lige Federacije BiH, te juniorske selekcije klubova Premijer lige BiH koji ne učestvuju u takmičenju Omladinske Premijer lige za juniore.
- 3.03. Klubovi Druge lige FBiH, te klubovi Prve i Druge lige Republike Srpske mogu učestvovati prema prijavama za natjecanje.
- 3.04. Na osnovu ukazane potrebe za popunjavanje broja klubova u Omladinskoj ligi BiH mogu učestvovati i klubovi i nižeg stepena natjecanja uz ispunjavanje kriterija: sportskih, infrastrukturnih, finansijskih i drugih ukoliko isti nastupaju sa seniorskom ekipom u ligama k/ž saveza. Ukoliko se za natjecanje Omladinske lige BiH prijavi veći broj klubova čiji seniori nastupaju u ligama k/ž saveza, a ispunjavaju navedene uslove, isti će razigravati za ulazak u natjecanje Omladinske lige BiH.
- 3.05. Ukoliko se otvori prostor za popunjavanje lige u Omladinskoj ligi BiH u cilju razvoja mladih nogometaša, mogu učestvovati kadeti i juniori klubova Premijer lige BiH.
- 3.06. Ukoliko jedan od klubova učesnika natjecanja sa juniorskom ekipom nastupa u Premijer omladinskoj ligi BiH za juniore, utakmice Omladinske lige BiH igrat će samo sa kadetskom ekipom, a mogu nastupati i sa juniorskom ekipom.

- 3.07. Ukoliko jedan od klubova učesnika natjecanja sa kadetskom ekipom nastupa u Premijer omladinskoj ligi BiH za kadete, utakmice Omladinske lige BiH igrat će samo sa juniorskom ekipom, a mogu nastupati i sa kadetskom ekipom.

Član 4.

- 4.01. Grupu „Centar“ sačinjavaju klubovi iz FS Kantona Sarajevo, NS Zeničko-Dobojskog kantona, NS Srednjobosanskog kantona/Kantona središnja Bosna, FS Bosansko-Podrinjskog kantona i PFS Istočno Sarajevo.
- 4.02. Grupu „Jug“ sačinjavaju klubovi iz NS Hercegovačko-Neretvanskog kantona/županije, ŽNS Županije Hercegbosanske, ŽNS Zapadnohercegovačkog i PFS Trebinje.
- 4.03. Grupu „Sjever“ sačinjavaju klubovi iz NS Posavske županije, NS Tuzlanskog kantona, PFS Bijeljina i PFS Doboj.
- 4.04. Grupu „Zapad“ sačinjavaju klubovi iz NS Unsko-Sanskog kantona, PFS Banja Luka, PFS Prijedor i PFS Gradiška.

III - RUKOVOĐENJE NATJECANJEM

Član 5.

- 5.01. Shodno odluci Nogometnog/fudbalskog saveza BiH natjecanja u grupama Omladinske lige BiH je ustupljeno entitetskim savezima.
- 5.02. Omladinskom ligom BiH grupa „Centar“ igrupa „Jug“ u natjecateljskoj 2024/2025 godini rukovodi Nogometni savez Federacije BiH.
- 5.03. Omladinskom ligom BiH grupa „Sjever“ i grupa „Zapad“ u natjecateljskoj 2024/2025 godini rukovodi Fudbalski savez Republike Srpske.
- 5.04. Entitetski savezi ne mogu ustupati vođenje natjecanja grupa Omladinske lige BiH kantonalnim, županijskim, odnosno, područnim savezima.

Član 6.

- 6.01. Natjecanjem Omladinske lige BiH grupa „Centar“ i „Jug“ rukovodi Izvršni odbor NS FBiH putem natjecateljskih organa. Izvršni odbor NS FBiH donosi kalendar natjecanja i utvrđuje način žrijebanja klubova.
- 6.02. Natjecateljski organi Omladinske lige BiH grupa „Centar“ i „Jug“ su:
- Povjerenik za natjecanje- rukovodi natjecanjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz natjecateljskog dijela, određuje delegate za utakmice, vrši analizu obavljanja delegatske dužnosti u saradnji sa Sekretarijatom NS FBiH;
 - Povjerenici za suđenje- delegiraju sudije i vrše analizu suđenja na svim utakmicama u saradnji sa Sekretarijatom NS FBiH;
 - Disciplinski sudac - donosi prvostepene disciplinske odluke;
 - Apelaciona komisija- drugostepeni organ koji donosi odluke po žalbama na prvostepene odluke iz natjecateljskog i disciplinskog dijela.

Član 7.

- 7.01. Povjerenika za natjecanje Omladinske lige BiH grupa „Centar“ i „Jug“ imenuje NS FBiH.
- 7.02. Povjerenike za suđenje Omladinske lige BiH grupa „Centar“ i „Jug“ imenuje FS RS.

- 7.03. Komesara za takmičenje Omladinske lige BiH grupa „Sjever“ i „Zapad“ imenuje FS RS.
- 7.04. Komesare za suđenje Omladinske lige BiH grupa „Sjever“ i „Zapad“ imenuje NS FBiH.

Član 8.

- 8.01. Natjecanje u Omladinskoj ligi BiH grupa „Centar“ i „Jug“ administrativno se vodi kroz COMET informacijski sistem.

IV - ORGANIZACIJA NATJECANJA

Član 9.

- 9.01. Natjecanje Omladinske lige BiH grupa „Centar“ i „Jug“ provodi se po dvostrukom bod-sustavu i vremenski utvrđenom kalendaru, sa dvije natjecateljske polusezone, jesen i proljeće.
- 9.02. Omladinska liga „Centar“ podijeljena je u dvije grupe „Centar 1“ i „Centar 2“ prema regionalnoj podijeljenosti i igra se po dvostrukom bod sustavu.
- 9.03. Kalendar natjecanja, usvaja IO NS FBiH, najkasnije 30 (trideset) dana prije početka jesenjeg, odnosno proljetnog dijela prvenstva, a taj rok može biti pomjeren za 15 dana.
- 9.04. Raspored odigravanja prvenstvenih utakmica prvog dijela određuje se prije početka natjecateljske godine žrijebom uz mogućnost primjene poludirigovanog načina žrijebanja samo za klubove iz istog mjesta gdje igraju svoje prvenstvene utakmice kao domaćini, s tim da ako su zainteresovani mogu podnijeti pismeni zahtjev povjereniku za natjecanje da im se omogući razdvajanje odigravanja prvenstvenih utakmica kao domaćina u odnosu na klub iz istog mjesta, i to najkasnije pet dana od određenog datuma provođenja žrijeba za raspored natjecanja za natjecateljsku godinu.
- 9.05. Odluku o izmjenama kalendara natjecanja, u slučaju proglašenja vanrednog stanja ili stanja nesreće od strane nadležnih organa BiH ili Federacije BiH, donosi povjerenik za natjecanje.
- 9.06. Konačnu odluku o svim zahtjevima kao i modalitetu žrijebanja natjecateljskih parova donosi povjerenik za natjecanje, s tim da se mora voditi računa da se ne narušava interes i pravo ostalih klubova učesnika natjecanja. Odluka povjerenika za natjecanje je konačna.
- 9.07. Povjerenik za natjecanje Omladinske lige BiH će prilikom žrijebanja natjecateljskih brojeva uzeti u obzir razdvajanje natjecateljskih brojeva kada su u pitanju klubovi iz istog mjesta ili geografski povezanih mjesta.
- 9.08. Raspored utakmica za prvenstvo Omladinske lige BiH određuje se žrijebom natjecateljskih brojeva klubova sudionika i primjenom „Bergerove tablice“.

Član 10.

- 10.01. Klubovi učesnici natjecanja su obavezni najkasnije 15 dana prije početka prvenstva dostaviti u pismenoj formi Sekretarijatu NS FBiH slijedeće informacije:
 - a. mjesto u kojem će kao domaćin igrati svoje prvenstvene utakmice
 - b. naziv stadiona (stalni i zamjenski)
 - c. vrijeme odigravanja utakmica (subota-nedjelja)
 - d. boju sportske opreme (majica, šorc, štucne) u kojoj će nastupati klub, kao i rezervnu boju sportske opreme
 - e. spisak registrovanih igrača, kao i službenih zvaničnika kluba koji će obavljati dužnosti na prvenstvenim utakmicama

Član 11.

- 11.01. Utaakmice Omladinske lige BiH grupa „Centar“ i „Jug“ se u pravilu igraju subotom i nedjeljom, osim ako kalendarom natjecanja nije drugačije propisano.
- 11.02. Utaakmice juniora i kadeta se igraju u trajanju 2x45 minuta.
- 11.03. Odmor između dva dijela igre traje minimalno 10, a maksimalno 15 minuta.

V - UVJETI ZA UČESTVOVANJE U NATJECANJU

Član 12.

- 12.01. Za sudjelovanje u natjecanju Omladinske lige BiH, pored ostalih, klubovi moraju ispunjavati sljedeće uvjete:
- 12.02. **IGRALIŠTA:**
 - a. Da posjeduju odgovarajuće igralište sa kvalitetnom travnatom podlogom za igru, sa prirodnom podlogom ili umjetnom podlogom sa potrebnim certifikatom i dozvolom Nogmetnog saveza Federacije BiH dimenzija 95-110 m dužine i 60-75 m širine. Teren mora biti zatravljen cijelom površinom i potpuno ravan da bi se omogućilo normalno kretanje.
 - b. Izuzetno, organ koji rukovodi natjecanjem može donijeti privremenu odluku o prijemu terena za igru za određeni vremenski period sa manjim dimenzijama od naznačenih u prethodnoj tački i to u slučajevima kada stadion ispunjava ostale uvjete iz Propozicija natjecanja, a trenutno ne postoji objektivna mogućnost za proširenje terena za igru.
 - c. Teren za igru mora biti odvojen od gledališta žičanom (zatvorenim) ogradom punog profila i odgovarajućeg kvaliteta. Ograda mora biti dovoljno udaljena od uzdužne i poprečne linije. Minimalna visina ograde je 120 cm, računajući sa nivoom tribina.
 - d. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 fiksiranih sjedalica) kao i odvojenu kabinu za delegata utakmice, a sve zaštićeno od kiše i vjetrova. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra).
 - e. Na stadionu moraju postojati svlačionice za minimalno dvije ekipe a potrebno je osposobiti četiri svlačionice za timove i posebna svlačionica za suce. Sve svlačionice trebaju imati mokre čvorove- kupatila sa toplom vodom, za igrače sa tri (3) tuš ruže, a kod sudaca jedna (1) tuš ruža. Svaka svlačionica (sudijska posebno) treba imati zaseban WC.
 - f. Stadion gdje se igraju utakmice Omladinske lige BiH grupa Centar i Jug moraju imati tribinski prostor za smještaj najmanje 100 gledatelja.
 - g. Izlazak na teren i povratak igrača u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja. Prolaz od svlačionica do terena za igru mora biti fizički odvojen od gledatelja.
 - h. Na stadionu treba biti posebna prostorija za sastavljanje zapisnika. Na stadionima klubova i za utakmice Omladinske lige BiH u službenom prostoru za zapisnik, klub domaćin treba da obezbijedi:
 - ispravan kompjuter sa štampačem,
 - ispravnu internet konekciju za potrebe COMET informacionog sistema,Neispunjavanje uvjeta ove tačke sa sobom povlači disciplinske sankcije.

- i. Igralište mora biti primljeno od nadležne Komisije NS FBiH za prijem igrališta i registrirano za odigravanje prvenstvenih utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava zapisnik utakmice.
- j. Klubovi koji ne ispunjavaju uvjete iz ovog člana, pod „igralište“ ovih Propozicija, mogu u cilju provođenja takmičenja uzeti pod zakup igralište nekog drugog kluba ili vlasnika potpisivanjem sporazuma o korištenju igrališta, s tim da isto ispunjava uvjete iz člana 12.02. pod „igralište“ ovih Propozicija.
- k. Uz teren ili na tribinama, za snimatelja utakmice mora biti izrađeno uzvišeno i potpuno zaštićeno od vremenskih neprilika i publike mjesto minimalne visine tri (3) metra, na poziciji središnje crte igrališta kako bi se mogao pokriti cijeli teren za snimanje.
- l. Snimanje utakmica regulisano je posebnim uputstvom o snimanju utakmica izdatim od strane NS FBiH.
- m. Klub domaćin Omladinske lige BiH obavezan je omogućiti snimanje utakmice zainteresiranom klubu-gostu pod prijetnjom disciplinskih sankcija.

VI – ORGANIZACIJA UTAKMICA - DUŽNOSTI KLUBOVA

Član 13.

13.01. Priprema terena, prostorija i podobnost

- a. Klub domaćin utakmice je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim tehničkim pomagalima najkasnije 60 (šezdeset) minuta prije određenog termina za početak utakmice.
- b. Utvrđivanje podobnosti terena za igru vrši sudija utakmice u prisustvu oba kapitena ekipa koje nastupaju na utakmici.
- c. Odluku o podobnosti terena za odigravanje utakmice donosi isključivo sudac utakmice u skladu sa Pravilima nogometne igre.

13.02. Dolazak klubova na utakmicu

- a. Klubovi su obavezni doći na stadion na kome će se odigrati utakmica najkasnije 60 (šezdeset) minuta prije utvrđenog vremena za početak utakmice i nastupiti sa najboljim sastavom ekipa, te prisustvovati radnom sastanku (brifingu) kojim predsjedava delegat utakmice.

13.03. Spiskovi igrača

- a. Klub domaćin obavezan je da delegatu utakmice stavi na raspolaganje ispravan računar sa priključkom na internet i printer. Klubovi su dužni da najkasnije 60 (šezdeset) minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici kao i odgovarajuće akreditacije.
- b. Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke igrača prijavljenih u COMET sistem. U slučaju da sistem COMET nije u funkciji vođenje zapisnika sa utakmice se radi ručno, a naknadno će delegat u sistemu COMET napraviti zapisnik.

13.04. Zastave

- a. Klub domaćin obavezan je na jarbole postaviti Državnu zastavu Bosne i Hercegovine i zastavu NS/FS BiH. Na jarbolima mogu biti entitetske zastave, zastave kantona/županija,

klupske zastave i zastave fair-playa. Istaknute zastave trebaju biti istih dimenzija. Postavljanje drugih zastava nije dozvoljeno, a slučaju nepoštivanja ove odredbe klub će snositi disciplinske sankcije.

13.05. Odgovornost kluba

- a. Organizator utakmice- javnog skupa je klub domaćin i odgovoran je za organizaciju iste. Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.
- b. Za propuste u organizaciji utakmice klubovi će snositi natjecateljske i disciplinske posljedice prema važećim propisima NS FBiH i NS/FS BiH.

13.06. Mjere obezbjeđenja

- a. Organizaciju utakmica vrše klubovi domaćini, koji su obavezni obezbijediti sve uvjete u skladu sa važećim propisima. Klub domaćin je obavezan poduzeti sve potrebne mjere za sigurnost sudaca, delegata i gostujućeg tima, za vrijeme odigravanja utakmice i sve do napuštanja igrališta-stadiona odgovarajućim prevoznim sredstvom.

13.07. Osiguranje utakmice

- a. Klub domaćin obavezan je izvršiti najavu utakmice kod nadležne policijske uprave i zatražiti policijsko obezbjeđenje, te se blagovremeno pobrinuti da na utakmicama juniora i kadeta budu prisutni pripadnici policije.
- b. Klub domaćin je na svim utakmicama obavezan osigurati akreditiranog komesara za bezbjednost kao i redarsku službu koji će se starati o sigurnosti svih aktera utakmice.
- c. Utakmica se neće igrati bez prisustva pripadnika policije, sanitetskog vozila (zamjenskog vozila) i licenciranog medicinskog ljekara ili fizioterapeuta, te komesara za bezbjednost. U slučaju neispunjavanja prethodno navedenih uslova iz takmičenja, sve posljedice snosi klub domaćin.

13.08. Medicinska služba

- a. Klub domaćin obavezan je na svim utakmicama osigurati ljekarsku službu i vozilo hitne medicinske pomoći (ili zamjensko vozilo), koje mora biti uz igralište i u slučaju potrebe obaviti prijevoz do zdravstvene ustanove.
- b. Ukoliko vozilo prve pomoći ne dođe na igralište do početka utakmice, ista neće započeti sve dok klub ne osigura prikladno i obilježeno osobno vozilo, kojim će se u slučaju potrebe, ozlijeđeni prevesti do najbliže zdravstvene ustanove.
- c. Klub domaćin dužan je da osigura za cijelo vrijeme trajanja utakmica kadeta i juniora prisustvo dežurnog licenciranog ljekara ili fizioterapeuta sa odgovarajućom medicinskom opremom.

13.09. Lopte za igru

- a. Za odigravanje prvenstvenih utakmica domaćin je dužan osigurati najmanje tri lopte za svaku od utakmica.
- b. Klub domaćin obavezan je osigurati dovoljan broj skupljača lopti propisno odjevenih, a u slučaju da na igralištu nema skupljača lopti, domaćin je obavezan obezbijediti šest lopti.
- c. U slučaju da se utakmica igra po snijegu- odnosno da je teren pokriven snijegom, lopta mora biti crvene boje.

Član 14.

- 14.01. Klubovi su obavezni vršiti snimanje svih domaćih utakmica juniorskih timova.
- 14.02. Snimanje utakmica regulisano je posebnim uputstvom o snimanju utakmica izdatim od strane NS FBiH.
- 14.03. Klub domaćin obavezan je omogućiti snimanje utakmice zainteresiranom klubu-gostu, pod prijetnjom disciplinskih sankcija, uz obaveznu najavu od strane gostujućeg kluba povjereniku za natjecanje i klubu domaćinu najkasnije 48 sati prije odigravanja utakmice.
- 14.04. Klub domaćin može utakmicu Omladinske lige BiH emitirati u direktnom prenosu putem TV kanala ili društvenih mreža uz prethodnu saglasnost Nogometnog saveza Federacije BiH.
- 14.05. Ukoliko klub gost utakmicu Omladinske lige BiH emitira u direktnom prenosu putem TV kanala ili društvenih mreža, klub je obavezan tražiti saglasnost povjerenika za natjecanje i kluba domaćina. U suprotnom klub snosi disciplinske posljedice.

Član 15.

- 15.01. Klub domaćin je obavezan da poduzme sve mjere i radnje u cilju zaštite: članova gostujuće ekipe, sudaca, delegata utakmice neposredno prije početka utakmice, u toku, između dva poluvremena i po završetku utakmice, a sve do napuštanja stadiona za odigravanje utakmice, kao i poduzeti sve mjere na stadionu za odigravanje utakmice i oko njega, predviđene ovim Propozicijama natjecanja, Pravilnikom o bezbjednosti na utakmicama saveznog stepena natjecanja NS/FS BiH, kao i ostalim pravilnicima, odlukama, propisima i uputstvima NS/FS BiH i NS FBiH.

VII - PROMJENA TERMINA ODIGRAVANJA UTAKMICA

Član 16.

- 16.01. Promjena termina odigravanja utakmice može se vršiti isključivo na osnovu podnesenog pismenog zahtjeva zainteresovanog kluba povjereniku za natjecanje, najkasnije osam (8) dana prije rasporedom utvrđenog termina odigravanja utakmice, a koji u sebi sadrži razlog zbog kojeg se traži promjena termina.
Pored navedenih razloga klub može dati i eventualni prijedlog novog termina, koji treba, ukoliko je moguće, biti usaglašen sa protivničkim klubom.
- 16.02. U slučaju kada zahtjev za promjenu termina nije podnesen shodno odredbi 16.01. ovog člana, ili je podnesen od strane gostujuće ekipe, kao i kada se za termin utakmice predlaže radni dan, podnosilac zahtjeva obavezan je dostaviti uz obrazloženje i pismenu saglasnost drugog kluba (protivnika) utakmice, za koju se traži promjena termina.
- 16.03. Zahtjev za promjenu termina utakmice je moguće dostaviti najkasnije tri dana prije termina utvrđenog za odigravanje utakmice.
- 16.04. Ukoliko klub domaćin za odigravanje utakmice predlaže radni dan, također je potrebna potpisana i ovjerena pismena saglasnost drugog kluba (protivnika) utakmice.
- 16.05. Konačnu odluku o zahtjevu kluba za promjenu termina utakmice donosi povjerenik za natjecanje Omladinske lige, s tim da se kod donošenja odluke moraju imati u vidu odredbe člana 16. Pravilnika o nogometnim natjecanjima NS/FS BiH
- 16.06. Odluka povjerenika za natjecanjeo podnesenom pismenom zahtjevu za promjenu termina odigravanja utakmice je konačna i ona se dostavlja zainteresiranim klubovima i ostalim učesnicima natjecanja.

- 16.07. Izuzetno, povjerenik za natjecanje NS FBiH u slučaju ukazane potrebe ili više sile, može i u roku kraćem od tri dana donijeti odluku o promjeni termina utakmica.
- 16.08. Odložena utakmica se treba odigrati do naredne srijede, računajući od termina utvrđenog kalendarom i rasporedom takmičenja.
- 16.09. Povjerenik za natjecanje, shodno ukazanoj potrebi, može i u drugim slučajevima donijeti odluku o promjeni termina utakmice.

VIII - ODLAGANJE UTAKMICE

Član 17.

- 17.01. Ako se odlukom nadležnog državnog organa (Vijeće ministara BiH, entitetske vlade ili lokalni organi uprave) proglasi Dan žalosti na području gdje se prema rasporedu takmičenja tog dana igraju utakmice Omladinske lige BiH, povjerenik za natjecanje može odrediti novi termin odigravanja utakmice, u skladu sa Kalendarom takmičenja, pri tome vodeći računa da se obezbijedi regularnost natjecanja.
- 17.02. U slučaju kada zbog Dana žalosti nije izvršeno odlaganje utakmice, obaveza je klubova da prije početka utakmice na terenu za igru odaju počast minutom šutnje ili na drugi prikladan način prema nastradalim zbog čega je proglašen Dan žalosti.
- 17.03. U slučaju kada je Dan žalosti proglašen od strane Vijeća ministara BiH, klub domaćin je obavezan da obezbijedi da na jarbolima stadiona zastave budu spuštene na pola koplja ili jarbola, a igrači na terenu za igru na rukavu dresa mogu nositi obilježje crne trake kao znak žalosti.
- 17.04. Klub domaćin obavezan je da putem razglasa zamoli sve učesnike utakmice da se suzdrže od bilo kakvih postupaka suprotno pijetetu zbog kojeg je proglašen dan žalosti.

Član 18.

- 18.01. Ako se u toku trajanja utakmice, na osnovu javnog saopštenja od strane nadležnog organa iz prethodnog člana, proglasi Dan žalosti, utakmica se neće trajno prekinuti, ali je sudac utakmice dužan da u prvom privremenom prekidu igre zaustavi igru i zatraži od igrača na terenu da minutom šutnje izraze saučešće prema nastradalim ili umrlim osobama.

Član 19.

- 19.01. Kada nadležni organ policije sa područja na kojem se trebaju odigrati rasporedom takmičenja prvenstvene utakmice, obavijesti povjerenika za natjecanje pismenim putem, da bi odigravanje utakmice prema utvrđenim terminima moglo imati ozbiljnih posljedica po bezbjedonosnu situaciju učesnika utakmice, komesar za takmičenje obavezan je uzeti u razmatranje pismeni zahtjev policijskog organa za odlaganje utakmice, te donijeti odluku u vezi sa odlaganjem utakmice, vodeći računa da se zadovolje kriteriji bezbjedonosnog-sigurnosnog aspekta i zaštite regularnosti takmičenja.
- 19.02. Odlaganje utakmice može trajati najduže do deset dana u odnosu na rasporedom utvrđeni termin. Odluka povjerenika za natjecanje je konačna i obavezujuća za sve učesnike utakmice.

Član 20.

- 20.01. U slučaju proglašenja vanrednog stanja ili stanja nesreće od strane nadležnih organa BiH ili Federacije BiH, sve odluke vezane za takmičenje donosi Komisija za natjecanje NS FBiH odnosno Izvršni odbor Nogometnog saveza Federacije BiH u skladu sa Statutom Nogometnog saveza Federacije BiH i ostalim pravilnicima i odlukama.

IX–NAJMANJI BROJ IGRAČA U IGRI

Član 21.

- 21.01. Klub je obavezan za kadetski i juniorski tim u NS Federacije BiH 15 dana prije početka prvenstva dostaviti spisak igrača, a potrebno je da svaki kadetski i juniorski tim prije početka prvenstva ima najmanje 18 prijavljenih i uredno registriranih igrača.
- 21.02. Utakmica ne može da počne po Pravilima nogometne igre ako jedna od ekipa nema najmanje sedam igrača na terenu za igru, od kojih je jedan vratar i kapiten. Ako jedna ekipa za vrijeme igre ostane sa manje od sedam igrača, sudac je dužan da zaustavi igru, a ako u roku od pet minuta klub ne nastupi s minimalnim brojem igrača, sudac je dužan da označi kraj utakmice.
- 21.03. Svaka ekipa u zapisnik sa utakmice prijavljuje maksimalno 20 igrača. Klubovi koji nemaju najmanje 14 igrača u zapisniku sa utakmice snosit će disciplinske sankcije.
- 21.04. Klub Omladinske lige BiH grupa „Centar“ i „Jug“, ukoliko na zvaničnoj utakmici nastupi sa manje od 14 igrača kazna, bit će kažnjen novčanom kaznom od 100 KM.
- 21.05. Klub Omladinske lige BiH grupa „Centar“ i „Jug“, ukoliko na zvaničnoj utakmici nastupi sa manje od 11 igrača kazna, bit će kažnjen u iznosu od 200 do 500 KM;
- 21.06. Svi klubovi prije potvrde učešća u natjecanju Omladinske lige BiH moraju dostaviti dokaz da imaju najmanje po 18 registriranih igrača za kadetsku i juniorsku ekipu.
- 21.07. Klub čije juniorske i kadetske selekcije nastupaju u Omladinskoj ligi BiH obavezan je na svakoj utakmici nastupiti sa dva tima: kadetima i juniorima.
- 21.08. Nenastupanje sa jednim od navedenih timova, tretirat će se kao da klub nije nastupio u tom kolu, sa predviđenom odgovornošću kluba i isključenja iz natjecanja u slučaju nenastupanja na dvije utakmice shodno odredbama Pravilnika o nogometnim natjecanjima NS/FS BiH.
- 21.09. Ukoliko jedan klub sa jednom od selekcija (juniori ili kadeti) istupi iz natjecanja ili bude isključen iz istog, automatski se briše iz natjecanja sa obje omladinske selekcije, te u narednoj natjecateljskoj sezoni neće učestvovati u Omladinskoj ligi BiH.
- 21.10. U slučaju neopravdanog nenastupanja na utakmici klub će snositi natjecateljske i disciplinske posljedice u skladu sa odredbama Pravilnika o nogometnim natjecanjima i Disciplinskog pravilnika NS/FS BiH.

Član 22.

- 22.01. Tokom utakmice kadeta i juniora svaki tim može izvršiti najviše po sedam izmjena tokom tri prekida na utakmici (izmjene koje se vrše prije početka drugog dijela igre – u poluvremenu – ne računaju se kao prekid)
- 22.02. Zamjenu igrača tokom utakmice klubovi su obavezni vršiti na posebnom listiću koji je propisan od strane NS FBiH.

X – PRAVO NASTUPA

Član 23.

- 23.01. Pravo nastupa na utakmicama kadetske lige u natjecateljskoj 2024/2025 godini imaju igrači rođeni **01.01.2008.** godine i mlađi, ali ne mlađi od 14 godina.

- 23.02. Pravo nastupa na utakmicama juniorske lige u natjecateljskoj 2024/2025 godini imaju igrači rođeni **01.01.2006.** godine i mlađi, ali ne mlađi od 16 godina.
- 23.03. Ukoliko u ligi nastupaju kadetski i juniorski timovi klubova WWin lige BiH pravo nastupa imaju: kadeti rođeni **01.01.2009.** godine, i juniori rođeni **01.01.2007.** godine.

XI – IDENTITET IGRAČA

Član 24.

- 24.01. Na prvenstvenim utakmicama mogu nastupiti samo igrači čiji je identitet utvrđen putem fotografije iz COMET informacionog sistema, a u slučaju njenog nedostatka identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igraču sa neadekvatnom pohranjenom fotografijom u COMET informacionom sistemu (kada je nemoguće utvrditi identitet), delegat utakmice neće dozvoliti nastup na utakmici.
- 24.02. Delegat je obavezan prije početka svake utakmice izvršiti identifikaciju igrača na način što će izvršiti upoređivanje fotografije na obrascu iz COMET informacionog sistema, sa likom igrača, kao i broj dresa sa zapisnikom utakmice.
- 24.03. Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.
- 24.04. Svi igrači moraju imati adekvatnu fotografiju pohranjenu u COMET informacioni sistem.

Član 25.

- 25.01. Klubovi su obavezni voditi evidenciju opomenutih igrača i evidenciju isključenih igrača te po potrebi tačnost evidencije provjeriti u Sekretarijatu za takmičenje NS FBiH.
- 25.02. U slučaju nastupa igrača pod suspenzijom, natjecateljske posljedice će snositi klub, a prema odredbama DP NS/FS BiH, disciplinske posljedice će snositi klub, igrač i službena osoba kluba koja je suspendovanog igrača stavila u tim.

XII – LJEKARSKI PREGLED I ČLANARINA

Član 26.

- 26.01. Svaki igrač koji nastupa u takmičenju mora u COMET informacioni sistem imati unesen period važenja lješkarskog pregleda i period za koji je uplaćena članarina. Obavljeni lješkarski pregled mora sadržavati obavezujuće elemente koje je propisala Komisija za sportsku medicinu NS FBiH.
- 26.02. Lješkarski pregled važi šest (6) mjeseci, a za igrače mlađe od 17 godina četiri (4) mjeseca.
- 26.03. Za igrača koji nema upisan važeći lješkarski pregled u COMET informacioni sistem ili važeću potvrdu, delegat utakmice neće dozvoliti nastup na utakmici.
- 26.04. Za sva ostala pitanja u vezi sa lješkarskim pregledom igrača primjenjivat će se odredbe člana 56. Pravilnika o nogometnim natjecanjima NS/FS BiH.

XIII – OPREMA IGRAČA

Član 27.

- 27.01. Klubovi moraju poštivati boju sportske opreme kluba protivnika, koje su prije početka prvenstva prijavljene u Sekretarijat saveza i koje su objavljene u biltenu NS FBiH.
- 27.02. Timovi na jednoj utakmici ne mogu igrati u istim ili sličnim bojama sportske opreme. Ekipe su dužne usaglasiti boje opreme 72 sata prije zvaničnog termina odigravanja utakmice, u skladu sa prijavljenim osnovnim bojama. U slučaju da se podudara boja opreme kod dva tima dresove će promijeniti domaća (prvoimenovana) ekipa, a delegat utakmice je obavezan prijaviti tim zbog zanemarivanja boje sportske opreme, a klub će snositi disciplinsku odgovornost.
- 27.03. Brojevi na dresovima moraju odgovarati onima na popisu igrača u zapisniku o utakmici. Ako su dresovi prugasti ili šareni, brojevi moraju biti na jednoboju podlozi. Za vrijeme odigravanja utakmice igrači na poledini dresova moraju imati vidljive brojeve propisane veličine.
- 27.04. Obavezna oprema igrača je:
 - dres
 - šorts
 - štucne
 - kostobrani
- 27.05. Također, igrači koji se nalaze u tehničkom prostoru obavezni su nositi markere na dresu.
- 27.06. Delegat i glavni sudac utakmice na organizacionom sastanku izvršit će provjeru cjelokupne opreme timova i sudaca te odobriti boju sportske opreme za utakmicu.

XIV – SLUŽBENE OSOBE KLUBA

Član 28.

- 28.01. Za vrijeme odigravanja prvenstvenih utakmica u stadionu, pored terena za igru, u tehničkom prostoru moraju se nalaziti lica akreditovana od strane NS FBiH ili NS/FS BiH i koja će obavljati dužnost na utakmicama, te koja moraju biti prikladno odjevena i to:
 1. Službeni predstavnik kluba (akreditacije izdaje NS FBiH);
 2. Treneri kadeta i juniora sa PRO, A ili B UEFA trenerskom licencom ili pomoćni treneri sa PRO, A, B ili C UEFA trenerskom licencom registrirani u COMET informacioni sistem;
 3. Ljekar kluba ili fizioterapeut na domaćim utakmicama (sa validnom akreditacijom);
 4. Igrači u sportskoj opremi sa markerima;
 5. Komesar za bezbjednost na domaćim utakmicama (sa validnom akreditacijom).
- 28.02. Svaki klub na utakmicama kadeta i juniora mora obavezno imati akreditiranog službenog predstavnika.
- 28.03. Klub je obavezan da u skladu sa normativima vaspitno-pedagoškog rada i obavezama iz takmičenja, na svakoj utakmici obavezno ima dva trenera. Od toga je jedan trener kadetskog tima uz obavezu da se stara o igračima-kadetima, a drugi trener juniorskog tima.
- 28.04. Na klupi kluba Omladinske lige BiH mogu sjediti treneri samo sa validnom UEFA licencom a koji su registrirani putem COMET informacionog sistema. Za utakmice Omladinske lige BiH validne su UEFA PRO, A ili B trenerske licence za glavnog trenera i UEFA PRO, A, B ili C trenerske licence za pomoćnog trenera.

- 28.05. C nacionalna trenerska licenca izdata od strane Centra za edukaciju kadrova NS/FS BiH ne vrijedi za utakmice Omladinske lige BiH.
- 28.06. Klub domaćin mora imati akreditiranog ljekara ili fizioterapeuta i komesara za bezbjednost.
- 28.07. Predstavnik kluba, glavni trener ili pomoćni trener ne mogu biti ista osoba.
- 28.08. Sve službene osobe obavezne su tokom cijele utakmice imati vidno istaknutu natjecateljsku akreditaciju.
- 28.09. Delegat je obavezan prije početka svake utakmice izvršiti identifikaciju u zapisnik prijavljenih službenih osoba kluba (predstavnik kluba, trener, ljekar, fizioterapeut i komesar za bezbjednost) na način što će izvršiti upoređivanje fotografije na akreditaciji, sa likom osobe.
- 28.10. Delegat neće dozvoliti obavljanje dužnosti službenoj osobi (predstavnik kluba, ljekar, fizioterapeut i komesar za bezbjednost) koja nema validnu akreditaciju ili licencu koju izdaje NS FBiH ili NS/FS BiH.
- 28.11 Sva akreditirana/licencirana službena lica moraju biti unesena i evidentirana u COMET informacioni sistem sa adekvatnom fotografijom (treneri, predstavnici kluba, ljekari, fizioterapeuti i komesari za bezbjednost), od strane administracije NS FBiH.

XV – DELEGAT NA UTAKMICI

Član 29.

- 29.01. Povjerenik za natjecanje određuje delegate sa liste delegata Prve i Druge lige NS FBiH i Prve i Druge lige FS RS pri tom vodeći računa o udaljenosti mjesta odigravanja utakmice i troškovima službenih lica.
- 29.02. Delegat zastupa povjerenika za natjecanje i ima vrhovni nadzor na utakmici.
- 29.03. Delegat je obavezan da 60 minuta prije početka utakmice održi radni sastanak (brifing) sa predstavnicima klubova, glavnim sudijom utakmice i komesarom za bezbjednost kluba domaćina.
Kašnjenje na radni sastanak – brifing povlači disciplinsku odgovornost.
- 29.04. Delegat je obavezan na stadion doći 60 minuta prije početka utakmice te u potpunosti poštivati kodeks odijevanja.
- 29.05. Delegat je dužan na brifingu, prije početka utakmice, izvršiti provjeru da li je klub isplatio pripadajuće naknade svakom službenom licu pojedinačno što se odnosi na prethodnu utakmicu.
- 29.06. Delegat je obavezan dostaviti dopunski izvještaj u roku od 24 sata po odigravanju utakmice, ukoliko je na utakmici došlo do incidenata, prekida utakmice kao i na zahtjev povjerenika za natjecanje.

Član 30.

- 30.01. Delegat utakmice zapisnik i izvještaj sa utakmice dostavlja kroz COMET sistem. Po završetku utakmice zapisnik sa utakmice sastavljen putem COMET informacionog sistema, sravnjavaju delegat i sudac, nakon čega delegat zaključuje izvještaj fair-playa, a sudac utakmice svojom šifrom zaključuje zapisnik sa utakmice.
- 30.02. Delegat utakmice je obavezan u roku od 24 sata po odigranoj utakmici ili najkasnije prvi radni dan do 11:00 sati, u COMET informacionom sistemu zaključiti delegatski izvještaj, te spiskove igrača unijeti u selekciju „dokumenti“.

XVI – SUCI

Član 31.

- 31.01. Povjernici za suđenje određuju suce sa liste sudaca, Prve i Druge lige NS FBiH te Prve i Druge lige FS RS.
- 31.02. Izuzetno na utakmice Omladinske lige BiH se mogu delegirati i suci sa liste Premijer lige BiH kao i talentovani suci sa liste kantonalnih/županijskih/regionalnih liga a vodeći računa o udaljenosti mjesta odigravanja utakmice i troškovima službenih lica.
- 31.03. Suci koji se nalaze na listama Prve i Druge lige Federacije BiH obavezni su se prilikom delegiranja staviti na raspolaganje Nogometnom savezu Federacije BiH te su obavezni pismenim putem potvrditi delegiranje na utakmicama Omladinske lige BiH grupa „Centar” i „Jug”, a u slučaju nemogućnosti obavljanja službene dužnosti na utakmicama Omladinske lige BiH grupa „Centar” i „Jug” dostaviti valjano opravdanje.
- 31.04. Suci su obavezni na stadion doći 60 minuta prije početka utakmice te u potpunosti poštivati kodeks odijevanja.
- 31.05. Sudac utakmice je dužan da prije početka utakmice pregleda i odluči da li je teren podoban za igru.
- 31.06. Ako sudac utvrdi u prisustvu dva kapitena ekipe da je teren nepodoban za igru, utakmica se neće igrati, a sudac će sačiniti poseban izvještaj o nepodobnosti terena za igru.
- 31.07. Sudac je dužan da nakon utakmice u svom izvještaju navede podatke koje se odnose na postignute pogotke, zamijenjene, opomenute i isključene igrače, a prema potrebi i druge podatke, ako se radi o prekidu utakmice, neredu, tuči, uključujući eventualne prijave i sl.
- 31.08. Delegat i glavni sudac odgovorni su za tačnost podataka u zapisniku.

XVII – REGISTRACIJA UTAKMICA

Član 32.

- 32.01. Ako na utakmicu nije uložena žalba, a ne postoje uslovi za registraciju po službenoj dužnosti, utakmicu povjerenik za natjecanje Omladinske lige BiH grupa „Centar” i „Jug” registruje postignutim rezultatom.
- 32.02. Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim natjecanjima NS/FS BiH.
- 32.03. Povjerenik za natjecanje vrši analizu i registraciju odigranih utakmica na prvom narednom sastanku, a termin održavanja istog utvrđuju u dogovoru povjerenik za natjecanje i Generalni sekretar NS FBiH.
- 32.04. Izuzetno, povjerenik za natjecanje registraciju odigranih utakmica može izvršiti putem e-maila, telefona ili faksa.
- 32.05. Ako je na utakmicu uložena žalba, rok za registraciju utakmice se produžava do konačne odluke.

XVIII - ŽALBE

Član 33.

- 33.01. Žalbe se po svim osnovama moraju najaviti 24 sata nakon odigrane utakmice elektronskim putem, telegramski, e-mailom ili faxom koji ima automatski ispis datuma i vremena o najavi žalbe.
- 33.02. Žalba sa pismenim obrazloženjem sa dokazom o uplaćenju taksi mora se dostaviti u NS Federacije BiH u roku od 48 sati po odigranoj utakmici.
- 33.03. Ukoliko rok za ulaganje žalbe ili najava žalbe ističe u nedjelju ili na državni praznik, rok za ulaganje žalbe se produžava za prvi naredni radni dan.
- 33.04. Žalba se dostavlja putem Sekretarijata NS FBiH, povjereniku za natjecanje Omladinske lige BiH.
- 33.05. Uz žalbu se dostavlja dokaz o uplaćenju taksi u skladu sa odlukom IO NS FBiH.

Član 34.

- 34.01. Nenajavljene, neblagovremene i žalbe koje nisu uredno taksirane neće biti uzete u razmatranje, već će biti odbačene, a utakmica će se registrovati postignutim rezultatom.
- 34.02. Odluke po uložnim žalbama biti će donijete u roku od osam dana od dana prijema žalbe.
- 34.03. Pri ocjeni pravovremenosti i validnosti najave žalbe i žalbe uzima se u obzir datum poslanog e-maila, poštanski žig preporučene pisma ili telegrama, datum na faksu kao potvrdu o žalbi te datum na novčanoj uplatnici.

Član 35.

- 35.01. Žalbe u prvom stepenu rješava povjerenik za natjecanje Omladinske lige BiH grupa „Centar“ i „Jug“.

Član 36.

- 36.01. Žalbe u drugom stepenu rješava Apelaciona komisija NS FBiH
- 36.02. Žalbe na odluke povjerenika za natjecanje NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.
- 36.03. Za utakmice posljednja dva kola rok za podnošenje žalbe drugostepenom organu je tri dana.
- 36.04. Odluke o podnijetim žalbama na odluke povjerenika za natjecanje NS FBiH donose se u razumnom roku, a najkasnije u roku od 15 dana, a o žalbama podnijetim na utakmice posljednja dva kola u roku od tri (3) dana od dana prijema žalbe.
- 36.05. Žalbe na odluke disciplinskog suca NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.
- 36.06. Protiv odluke Apelacione komisije ne može se uložiti žalba.

Član 37.

- 37.01. Organ koji donosi odluke može utvrditi i skraćeni žalbeni postupak.

XIX - DISCIPLINSKE SANKCIJE

Član 38.

- 38.01. O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u takmičenju, odlučuje se na osnovu Disciplinskog pravilnika NS/FS BiH i odluke Komiteta za hitnost NS FBiH broj 1250/24 od 19.07.2024. godine.
- 38.02. Disciplinske sankcije u toku sezone računaju se u doigravanju za prvaka Omladinske lige BiH grupa „Centar“.

XX - UTVRĐIVANJE PLASMANA

Član 39.

- 39.01. Plasman klubova na tabeli utvrđuje se prema odredbama člana 43. Pravilnika o nogometnim natjecanjima NS/FS BiH.
- 39.02. Shodno odlukama IFAB-a gol u gostima se ne računa dvostruko;
- 39.03. Klubovi koji se istovremeno natjeću u Omladinskoj Premijer ligi BiH i Omladinskoj ligi BiH grupa „Centar“ i „Jug“ u obje konkurencije nemaju pravo nastupa u utakmicama za prvaka grupe „Centar“ te ne mogu nastupiti na završnom turniru za prvaka Omladinske lige BiH grupa „Centar“, „Jug“, „Zapad“ i „Sjever“.
- 39.04. Nakon završenog prvenstva u Omladinskoj ligi BiH grupa „Centar“, prvaci grupa „1“ i „2“ u kadetskoj i juniorskoj konkurenciji igrat će razigravanje za prvaka Omladinske lige grupa „Centar“. U razigravanju za prvaka Omladinske lige BiH grupa „Centar“ igra se jedna utakmica, a domaćin se određuje žrijebom.
- 39.05. Klubovi su obavezni vršiti snimanje utakmica razigravanja za prvaka Omladinske lige BiH grupa Centar (kadeti i juniori).

XXI – ZAVRŠNI DIO PRVENSTVA – FINALNI TURNIR

Član 40.

- 40.01. Na kraju natjecateljske sezone 2024/2025 četiri najbolje plasirana juniorska tima iz NS Federacije BiH, sa pravom nastupa u skladu članom 39.03. ovih Propozicija, a koji učestvuju u četiri grupe Omladinske lige BiH grupa „Centar“, „Jug“, „Sjever“ i „Zapad“ igrat će doigravanje za prvaka Omladinske lige BiH za juniore.
- 40.02. Polufinalne utakmice doigravanja igraju se na terenima ekipa koje su ostvarile plasman po kup sistemu (dvije utakmice), a pobjednik u ukupnom rezultatu ostvarit će plasman u finale Omladinske lige BiH za juniore. Domaćinstvo u prvoj odnosno drugoj polufinalnoj utakmici određuje se žrijebom.
- 40.03. Ukoliko rezultat nakon dvije utakmice bude neodlučen, pristupit će se izvođenju udaraca sa bijele tačke shodno Pravilima nogometne igre.
- 40.04. Shodno odlukama IFAB-a gol u gostima se ne računa dvostruko;

- 40.05. Disciplinske mjere izrečene u toku takmičarske sezone 2024/2025 brišu se i ne prenose na polufinalne i finalnu utakmicu izuzev igrača i trenera kojima je izrečena sankcija zabrane igranja na određeni broj utakmica ili vremenski period.
- 40.06. U finalu Omladinske lige BiH za juniore igra se jedna utakmica na neutralnom terenu, a organizator finalne utakmice je Nogometni savez Federacije BiH.
- 40.07. U slučaju neodlučenog rezultata u finalnoj utakmici pristupit će se izvođenju udaraca sa bijele tačke shodno Pravilima nogometne igre, a pobjednik postaje prvak Omladinske lige Federacije BiH za juniore i ostvaruje plaman u Premijer omladinsku ligu BiH U-19.
- 40.08. Polufinalne i finalna utakmica odigravaju se prema Propozicijama natjecanja Omladinske lige BiH grupa Centar i Jug.
- 40.09. Pravo nastupa na polufinalnim i finalnim utakmicama završnice juniorske lige imaju igrači rođeni **01.01.2006.** godine i mlađi, ali ne mlađi od 16 godina.
- 40.10. Određivanje službenih lica (sudija i delegata) za završnicu Omladinske lige BiH za juniore vrše Komisija za suce i suđenje NS FBiH i Komisija za takmičenje NS FBiH.

Član 41.

- 41.01. Na kraju takmičarske sezone 2023/2024, finalni turnir za kadete organizira FS Republike Srpske na kojem će igrati prvaci Omladinske lige BiH grupa „Centar“, „Jug“, „Sjever“ i „Zapad“.

XXII – POPUNJAVANJE LIGE

Član 42.

- 42.01. U natjecateljskoj sezoni 2025/2026 ligu će popuniti:
- Klubovi Prve lige FBiH su shodno odlukama IO NS FBiH obavezni učestvovati u natjecanju Omladinske lige BiH grupa „Centar“, „Jug“, „Zapad“ i „Sjever“.
 - Klubovi Druge lige FBiH prema prijavama za natjecanje
 - Klubovi Prve i Druge lige RS prema prijavama za natjecanje
- 42.02. Lige mogu popunuti i klubovi kantonalnih/županijskih nogometnih liga uzimajući u obzir sljedeće kriterije:
- zbirna tablica iz takmičenja juniora i kadeta iz prethodne natjecateljske sezone
 - rezultati seniorskog tima iz prethodne natjecateljske sezone
 - uvjeti infrastrukture i drugo

XXIII – FINANSIJSKE ODREDBE

Član 43.

- 43.01. Službenim licima za utakmice Omladinske lige BiH grupa „Centar“ i „Jug“ za kadete i juniore pripada odgovarajuća naknada, koja uključuje taksu, dnevnicu i putne troškove, u skladu sa pravilnikom Izvršnog odbora NS FBiH.

- 43.02. Sucima i delegatu kada obavljaju dužnost po nalogu NS Federacije BiH, na utakmicama Omladinskih takmičenja Federacije BiH pripada naknada u neto iznosu kako slijedi:

Omladinska liga BiH (za dvije utakmice, juniori i kadeti)

- | | |
|------------------|--------|
| • delegatu | 100 KM |
| • glavnom sucu | 100 KM |
| • sucu asistentu | 100 KM |

- 43.03. Za jednu utakmicu Omladinske lige BiH (kadeti ili juniori) naknada službenim licima iznosi 80 KM.
- 43.04. Troškovi službenim licima se isplaćuju odmah nakon utakmice. Klub koji 72 sata nakon odigrane utakmice ne izvrši isplatu pripadajućih troškova službenih lica klub će zbog zanemarivanja obaveza bit će disciplinski sankcioniran novčanom kaznom od 200 KM.
- 43.05. Klub je dužan validan dokaz o isplati naknada za službena lica, dostaviti delegatu na brifingu prije početka prve naredne utakmice.
- 43.06. Klub neće moći odigrati narednu utakmicu ukoliko delegatu utakmice ne dokaže da je finansijska obaveza sa prethodne utakmice (naknade) izmirena u cijelosti.
- 43.07. Klub koji istupi ili odustane od takmičenja u toku takmičarske sezone, obavezan je izvršiti isplatu finansijskih svih dugovanja u cijelosti.
- 43.08. Godišnja pretplata na Službeni glasnik NS FBiH „NOGOMET U FEDERACIJI BiH“ iznosi 100 KM za Omladinsku ligu BiH grupa „Centar“ i „Jug“.

XXIV - NAGRADE

Član 44.

- 44.01. Nogometni savez Federacije BiH prvoplasiranoj ekipama Omladinske lige BiH grupa „Centar 1“, „Centar 2“ i „Jug“ u kadetskoj i juniorskoj konkurenciji dodjeljuje pehar u trajno vlasništvo.
- 44.02. Nogometni savez Federacije BiH prvoplasiranoj i drugoplasiranoj ekipi u juniorskoj konkurenciji, nakon finalne utakmice, uručuje pehare i medalje.

XXVI - ZAVRŠNE ODREDBE

Član 45.

- 45.01. Za sve što nije predviđeno ovim Propozicijama, važe odredbe Pravilnika o nogometnim natjecanjima NS/FS BiH, Pravila nogometne igre i drugih propisa NS FBiH, NS/FS BiH, FIFA-e i UEFA-e.

Član 46.

- 46.01. Propozicije stupaju na snagu danom objavljivanja na web stranici Saveza, a primjenjuju se za natjecateljsku sezonu 2024/2025.

P R E D S J E D N I K

Dragan Soldo

Broj: 1210/24

Sarajevo: 17.07.2024.

Komisija za natjecanje Nogometnog saveza Federacije BiH, na sjednici održanoj 17.07.2024. godine donosi s l j e d e ć e:

U P U T S T V O

o snimanju utakmica Omladinske lige BiH za juniore

I CILJ UTVRĐIVANJA UPUTSTVA O SNIMANJU

U cilju postizanja potpune regularnosti natjecanja u organizaciji Nogometnog saveza Federacije BiH i omogućavanja uvida od strane natjecateljskih organa u kvalitetan video-zapis cijelog toka utakmica i svih momenata od važnosti za natjecanje, Komisija za natjecanje je donijela uputstvo o načinu snimanja utakmica Omladinske lige BiH za juniore te ostale radnje vezano za snimanje i dostavljanje video-zapisa utakmica nadležnom organu i savezu.

II EVIDENTIRANJE I UPOZNAVANJE SNIMATELJA O UPUTSTVU

Službeni predstavnik kluba domaćina dužan je najkasnije 30 minuta prije utakmice izvršiti neposrednu prijavu pravovremenog dolaska snimatelja kod delegata utakmice, sa evidentiranjem osobnih podataka snimatelja.

Klub domaćin obavezan je snimatelju svake utakmice uručiti uputstvo NS FBiH o načinu snimanja utakmica.

Službeni predstavnik kluba domaćina i snimatelj obavezni su neposredno upoznati delegata o vrsti kamere, vrsti DVD-a, postojanju postolja za kameru, dovoljnom broju DVD-ova kako bi bio snimljen cijeli tok utakmice i ostalo vezano za utakmicu prema ovom uputstvu.

Delegat će usmeno upozoriti snimatelja na obaveze i uputstvo o snimanju.

III POZICIJA ZA SNIMANJE

Klub domaćin obavezan je obezbijediti mjesto za snimanje utakmica na uzvišenom mjestu minimalne visine 3,0 metra, na poziciji središnje crte igrališta kako bi se kvalitetno snimala cijela površina terena za igru i cijeli tok utakmice.

Pozicija za snimanje mora biti bezbjedna i ispravna sačinjena od čvrstog materijala, natkrivena i zaštićena od kiše, vjetra i ostalih nepogoda.

Snimatelj za vrijeme snimanja utakmice ne smije biti ometan od strane gledalaca, predstavnika klubova i drugih.

IV NAČIN SNIMANJA UTAKMICA

Snimatelj utakmice obavezan je na kvalitetan način snimiti:

- a) Cijeli tok prvog dijela igre i izlazak igrača i službenih lica sa terena za igru u svlačionice, sve do ulaska u iste;
- b) Cijeli tok drugog dijela igre i izlazak igrača i službenih lica sa terena za igru u svlačionice, sve do ulaska u iste nakon završetka utakmice;
- c) Na kvalitetan način snimiti svaki prekid i mogući incident, uz obavezu da snimi i zumira tačno mjesto dešavanja sporne situacije ili incidenta i sva dešavanja u tom slučaju;
- d) Nije dozvoljeno prekidanje snimanja za vrijeme utakmice, odnosno kako je to navedeno u tačkama: a), b) i c);
- e) Ispravno snimiti sva dešavanja ili moguće incidente u vezi sa službenim licima utakmice;
- f) Svaki mogući incident ili sporni momenat potrebno je snimiti sa zumiranjem.

V VRSTA KAMERE I VIDEO DISKA (VIDEO-MATERIJALA)

Utakmica mora biti snimana sa stabilnog postolja kako bi se postigla stabilnost i kvalitet snimka utakmice.

Utakmica mora biti snimana sa kvalitetnom digitalnom kamerom koja zadovoljava potrebe snimanja na udaljenosti dimenzija nogometnog igrališta i na otvorenom prostoru uz moguće vremenske nepogode za vrijeme utakmice (kiša, snijeg, vjetar itd).

Utakmice je potrebno snimati digitalnom tehnikom uz korištenje digitalnog video diska (DVD)

Snimak utakmice se uručuje delegatu na DVD-u.

Za snimanje nije dozvoljena upotreba prethodno korištenih ili neispravnih DVD-ova.

VI UPOZNAVANJE SNIMATELJA O UPUTSTVU

Klub domaćin dužan je svakom snimatelju utakmice pravovremeno uručiti ovo uputstvo o snimanju, a snimatelj se obavezuje na striktnu primjenu uputstva o načinu snimanja utakmice.

VII DOSTAVLJANJE VIDEO MATERIJALA DELEGATU UTAKMICE

Službeni predstavnik kluba domaćina obavezan je odmah nakon završetka utakmice, originalni snimak u zapečaćenoj koverti uručiti delegatu utakmice.

Delegat utakmice službenim putem, DVD u zapečaćenoj koverti i ostavljenom roku dostavlja u NS Federacije BiH.

Klub domaćin snimak utakmice može dostaviti i putem linka u Sekretarijat NS FBiH, najkasnije 48 sati po odigravanju utakmice.

VIII PROPUSTI U SNIMANJU I DOSTAVLJANJU VIDEO-MATERIJALA

Klub koji je prema propisima obavezan, a ne snimi utakmicu, ili koji gostujućem klubu ne dozvoli snimanje utakmice, klub koji snimi ali u propisanom roku ne dostavi nadležnom organu saveza ispravan video-materijal sa utakmice ili ga dostavi u neispravnom ili neupotrebljivom stanju ili na način koji je suprotan ovom uputstvu o snimanju, snosit će sankcije u skladu sa Disciplinskim pravilnikom NS/FS BiH i odlukom IO NS FBiH.

PREDSJEDNIK
KOMISIJE ZA TAKMIČENJE
Basara Naim sr

NOGOMETNI SAVEZ FEDERACIJE BiH

KLUBOVIMA OMLADINSKE LIGE BiH

(Aneks Propozicija takmičenja za takmičarsku 2024/2025)

ANEKS – MINIMUM MEDICINSKIH ZAHTJEVA ZA TRETMAN IGRAČA, STRUČNOG ŠTABA TIMA I SUDIJSKOG TIMA

Ovaj dokument detaljno specificira minimum medicinskih zahtjeva za takmičenje u Omladinskoj ligi BiH grupa „Centar“ i „Jug“ u smislu usluga koje treba osigurati klub domaćin za tretman igrača, stručnog štaba tima i sudijskog tima. Konkretni zahtjevi za svako takmičenje specificirani su u svakom odjeljku.

1. Ljekarsko osoblje

Zahtjevi važe za dan igranja utakmice u Omladinskoj ligi BiH grupa „Centar“ i „Jug“.

Klub domaćin odgovoran je za obezbjeđenje jednog ljekara obučenog za hitnu medicinsku pomoć koji će biti prisutan uz ivicu terena najmanje od trenutka dolaska timova na stadion i do njihovog odlaska. Tu ulogu može vršiti ljekar domaćeg tima, pod uslovom:

- da je ljekar tima obučen i kvalifikovan za hitnu prvu ljekarsku pomoć i tehnike pružanja pomoći;
- da je imenovan neki drugi dužnosnik iz kluba domaćina za olakšavanje hitne medicinske evakuacije sa stadiona bez odlaganja.

1 x ljekar za hitnu medicinsku pomoć uz teren za igru:

- Vršiti ulogu medicinskog koordinatora za stadion izuzev ako je obezbijeđen i specifični medicinski koordinator.
- Odgovoran za osiguranje potrebne medicinske opreme uz ivicu terena specificirane.
- Odgovoran samo za tretman igrača, stručnog štaba tima, sudijskog tima i oficira utakmice.

1 x ekipa za nosila (s nosilima od lesonita i najmanje dva obučena nosača (kvalifikacija u pružanju prve pomoći/iskustvo u nošenju pacijenata na nosilima).

**P R E D S J E D N I K
KOMISIJE ZA SPORTSKU MEDICINU**

Hodžić Faruk sr.

Broj: 1020/22

Sarajevo: 23.06.2022.

KOMISIJA ZA SPORTSKU MEDICINU NSFBIH

Na osnovu člana 21. Pravilnika o radu Komisija Izvršnog odbora i pravnih tijela Nogometnog saveza Federacije Bosne i Hercegovine, Komisija za sportsku medicinu NSFBIH donosi s l j e d e ć u

O D L U K U

o obavezujućim elementima za ljekarski pregled igrača

Član 1.

Ljekarski pregled igrača mora sadržavati sljedeće minimalne obavezujuće elemente:

- a) Internistički pregled ili pedijatrijski pregled (za igrače do 16 godina), koji obavezno treba sadržavati: EKG analizu u skladu sa UEFA propisima i osnovnu laboratorijsku obradu,
- b) Oftalmološki pregled,
- c) Stomatološki pregled,
- d) Ostale testove i analize prema indikaciji.

Član 2.

Ova Odluka stupa na snagu danom objavljivanja u Službenom glasniku NS FBiH.

O b r a z l o ž e n j e

Komisija za sportsku medicinu NS FBiH je razmatrao odredbe poglavlja XII Propozicija takmičenja Omladinske lige BiH grupa „Centar“ i „Jug“ (ljekarski pregled i članarina).

Istim poglavljem predviđa se obaveza da svaki igrač, koji nastupa u nekom od prednje navedenih takmičenja, obavezno mora imati upisan nalaz o izvršenom ljekarskom pregledu koji sadrži ocjenu o zdravstvenoj sposobnosti u svojoj sportskoj legitimaciji.

Član 26.01. Propozicija takmičenja predviđa i spisak obavezujućih elemenata a za čije donošenje propisuje nadležnost Komisije za sportsku medicinu NSFBIH.

Shodno prednje navedenom, a kako bi se u potpunosti ispoštovala odredba ovog člana, te precizirala i pojednostavila njegova primjena u praksi, Komisija za sportsku medicinu NSFBIH donijela je odluku kao u dispozitivu.

P R E D S J E D N I K
KOMISIJE ZA SPORTSKU MEDICINU

Hodžić Faruk sr.

